

DOCTRINA DE IUDITIIS

NATIVITATVM, EA METHODO TRADITA,
ut omnium ferē thematum considerationibus ac-
commodari possit.

Autore Cypriano Leouitio a Leonicia.

προλεγόμενα de gradu ascendentis vero
seu Rectificato.

DVæ sunt velut partes doctrinæ Genethliacæ: quarum prior docet certam rationem
ad singula momenta temporis conformandi figuræ cœli, quæ in 12. spatia distinctæ
totius cœli, & præcipuorum corporum cœlestium litum infra supraq; terram, mutuū con-
gressum ac προχαλετόμους ob oculos velut in tabella ponunt.

Altera Æventus seu diuinatrix, quæ ex cœli & syderū constitutione, motu, congressu &
mutuis inter se configurationibus certos effectus & significationes de ingenij, inclinatio-
nibus seu temperamentis, de valetudine corporum, de humorum redundantia aut defi-
ctu, & alijs multis euentibus & casibus ad valetudinem & rem familiarem tuendam uti-
les & propé necessarias, prudenter eruit & ratiocinatur.

Hæc priori parti tanç fundamento innititur. Non enim, nisi cognito cœli ac syderum
positu, iuditia Genethliaca certa constitui ac proferri possunt.

Hactenus autem hanc primam partem conformandi themata cœlestia, & ea quæ huic
doctrinæ necessario coniuncta sunt, ita exemplis illustratam tradidimus, ut sperem ab eis,
qui mediocriter exercitati sunt in numeris, sine vlla difficultate percipi posse.

Etsi autem quædam varietas opinionum est de ratione constituendi figuræ cœli, quam
in his elementis propter breuitatem disputare nolo, tamen non dubium est Regiomonta-
ni modum, quem nos vbiq; sequimur, eo quod ex sinuum doctrina extractus sit et Geome-
tricæ rationibus nitatur, plus q; reliquos omnes & certitudinis & doctrinæ habere. Et ac-
quieuerunt in eo longo iam tempore acerrimi iuditij Astrologi. Præterea ita illustratus est
tabulis ex ascensionum varietate compositis, ut mira facilitate inde omnium domorum ini-
tia per locum Solis desumantur. In quibus tabulis condendis nonnihil etiam nostra profu-
it industria, qui eas ad scrupula quoq; & à tricesimo septimo usq; in sexagesimum altitudi-
nis Poli gradum extendimus, vniuersæ Europæ & maximæ parti Asiæ profuturas.

Omnino igitur facile erit figuram cœli ad tempus oblatum constituere iuxta hanc ratio-
nem, q; supra capite 20. docuimus.

Sed cum diligens consideratio nativitatum omnino exactam & certam gradus ascen-
dentis cognitionem requirat, & saepe de hac prima et præcipua parte videlicet de momen-
to quo infans ex ytero matris egressus est, dubitetur, præsertim vbi id non fuerit obserua-
tum instrumento aliquo Geometrico, sumpta interdui altitudine Solis, vel noctu Stelle ali-
cuius. Nam horologia quia aut ab imperitis ac negligenter reguntur, aut casu cohibentur
ac subsistunt interdum, sèpissime fallunt. Ideo multos etiam ex vetustissimis exercuit hæc
cura, qua ratione quām proxime ad verum horoscopi gradum perueniri posset.

Tres autem præcipuae rationes extant rectificandi seu corrigendi gradum ascendentis.
Prima quæ recitatur apud Ptolemaeum, lib. 3. prædictionum Astrologicarum, per Anis-
modar ut vocant, hoc est planetam qui in gradu coniunctionis vel oppositionis luminari-
um proximè nativitatem antecedentis dominator, vel ut Ptolemaeus loquitur, δικοδιατόπη

est.

Meminerunt huius rectificationis præter Ptolemaeum plurimi alij Astrologi: Alcas-
bitius diff: 4. Abrahamus Iudæus in principio libelli sui de nativitatibus. Antonius de
Montulmo & Schonerus. Ex peregrinis Messahala antiquissimis rerum Astrologica-
rum scriptor, Item Omar, Abenezra & alij.

aa Secunda